

ucm cymru
CYNHADLEDD
CONFERENCE
nus wales

Cynhadledd Myfyrwyr ag
Anableddau UCM Cymru
Cynigion 2017

Os ydych angen y ddogfen hon mewn ffurf
arall cysylltwch ag UCM ar 0845 5210 262
neu e-bostiwch events@nus.org.uk

If you need this document in another
format contact NUS on 0845 5210 262
or email events@nus.org.uk





Gwybodaeth Allweddol

Diben y ddogfen hon

Mae'r ddogfen hon yn amlinellu trefn lawn yr holl gynigion a gyflwynwyd gan Aelodau Cyfansoddol i Gynhadledd Myfyrwyr ag Anableddau UCM Cymru.

Cynnwys

Cynnig 1: Hyfforddiant Rhyddhad Cymreig i Swyddogion yng Nghymru	3
Cynnig 2: Cyswllt Sylfaenol	4
Cynnig 3: Addysg Rhyw a Pherthnasoedd ar gyfer Anableddau	5
Cynnig 4: Diweddaru'r Ymgyrch	6





Cynnig 1: Hyfforddiant Rhyddhad Cymreig i Swyddogion yng Nghymru

Cyflwynwyd gan: Pwyllgor Myfyrwyr ag Anableddau UCM Cymru

Cred y Gynhadledd:

1. Mae UCM Cymru'n hunan-reolus o UCM y DU.
2. Mae gan Gymru bwerau datganoledig.
3. Mae myfyrwyr yng Nghymru'n cael eu heffeithio gan y pwerau datganoledig hyn.

Cred y Gynhadledd ymhellach:

1. Fel arweiniad i ymgyrchu ar gyfer Undebau Myfyrwyr yng Nghymru, dylai Ymgyrch MagA UCM Cymru ddeall sut i ymgyrchu'n effeithiol ar bwerau datganoledig.
2. Mae Ymgyrch Myfyrwyr ag Anableddau UCM Cymru angen hyfforddiant penodol ar gyfer Cymru o amgylch materion myfyrwyr anabl.

Penderfyna'r Gynhadledd:

1. Dylai'r Ymgyrch MagA weithio gydag UCM Cymru i ailwampio unrhyw hyfforddiant presennol fel ei fod yn ddefnyddiol ac yn berthnasol i unrhyw swyddogion ac aelodau pwyllgor.
2. Dylai'r Ymgyrch MagA weithio gydag UCM Cymru i ddarparu hyfforddiant penodol i Gymru ar gyfer swyddogion etholedig UCM Cymru.
3. Dylai Swyddog Myfyrwyr ag Anableddau UCM Cymru weithio gydag Ymgyrch Myfyrwyr Anabl UCM y DU i sicrhau bod unrhyw faterion nad ydynt wedi'u datganoli yn cael eu darparu drwy gyfrwng y Gymraeg.



Cynnig 2: Cyswllt Sylfaenol

Cyflwynwyd gan: Pwyllgor Myfyrwyr ag Anableddau UCM Cymru

Cred y Gynhadledd:

1. Mae cyfathrebu'n hanfodol bwysig i Ymgyrch Myfyrwyr ag Anableddau UCM Cymru.
2. Mae cyfathrebu rhwng yr Ymgyrch MagA ac Undebau Myfyrwyr yn hanfodol bwysig.
3. Dylai swyddogion fod yn gallu cysylltu ag Undebau Myfyrwyr.

Cred y Gynhadledd ymhellach:

1. Mae angen mynegi gwybodaeth am ddigwyddiadau pwysig sy'n perthyn i'r ymgyrch MagA i fyfyrwyr anabl ledled Cymru.
2. Ar hyn o bryd, nid yw swyddogion yn derbyn arweiniad ar gyfer cyfathrebu gan eu cynrychiolwyr yn Undeb y Myfyrwyr.

Penderfyna'r Gynhadledd:

1. Dylid gofyn i UCM Cymru darparu'r Swyddog MagA â gwybodaeth gyfoes ar gyfer pwy i gysylltu â nhw mewn Undebau Myfyrwyr pan fyddant yn dechrau yn y rôl.
2. Dylai hyfforddiant ar gyfer swyddogion gynnwys gweithdai ar sut i gysylltu â gwahanol fathau o gynrychiolwyr e.e. staff Undeb y Myfyrwyr, cynrychiolwyr myfyrwyr anabl neu fyfyrwyr anabl.
3. Dylai swyddogion dderbyn hyfforddiant ar sut i gael gafael ar wasanaethau cyfieithu i'r Gymraeg.

Cynnig 3: Addysg Rhyw a Pherthnasoedd ar gyfer Anableddau

Cyflwynwyd gan: Pwyllgor Myfyrwyr ag Anableddau UCM Cymru

Cred y Gynhadledd:

1. Mae Addysg Rhyw a Pherthnasoedd (ARhPh) yn rhan hanfodol o addysg a datblygiad.
2. Mae pobl anabl yn gallu cael perthnasoedd rhywiol a rhamantaidd boddhaus.

Cred y Gynhadledd ymhellach:

1. Mae gan bobl sydd ag anableddau datblygiadol, cymdeithasol neu ddeallusol lai o fynediad i ARhPh (os o gwbl) na'u cyfoedion sydd ddim yn anabl.
2. Mae ARhPh gynhwysol yn rhywbeth y dylai pob undeb fod yn ei darparu.
3. Mae mynediad i ARhPh gynhwysol ar gyfer pobl anabl yn cael ei heffeithio ymhellach os ydynt yn LHDT+, Croenddu, Traws neu'n fyfyrwr â ffydd.
4. Oherwydd dadrywioli pobl anabl a'u hallgau rhag ARhPh, ychydig o ymchwil sydd ar gael.
5. Mae mwy na 50% o bobl sydd ag anabledd heb berthynas rywiol o gwbl.

Penderfyna'r Gynhadledd:

1. Dylai Pwyllgor MagA UCM Cymru ddarparu gwybodaeth ar gyfer undebau ar sut i gynghori myfyrwyr anabl ar faterion sy'n ymwneud â rhyw a pherthnasoedd (megis bodolaeth cyfarpar addasu).
2. Dylai Pwyllgor MagA UCM Cymru greu adnoddau ar gyfer addysgu myfyrwyr sy'n gofalu neu ddefnyddwyr gwasanaethau (boed yn ofal cymdeithasol neu bobl y gofalir amdanynt gan deulu/ffrindiau) parthed elfen gyfreithiol gofalmwr a rhyw, gyda phwyslais penodol ar hawliau defnyddwyr gwasanaethau sy'n LHDT+ a Thraws
3. Dylai Pwyllgor MagA UCM Cymru sicrhau bod y gwaith a wneir gan ymgyrchoedd eraill ar ARhPh yn gynhwysol i bobl anabl.
4. Dylai Pwyllgor MagA UCM Cymru fod yn agored i weithio gyda 3ydd partion e.e. *Sexpression* mewn hyrwyddo Addysg Rhyw a Pherthnasoedd Anabl (ARhPhA).
5. Dylai Pwyllgor MagA UCM Cymru annog NUS Extra i weithio gyda chwmnïau megis *Lovehoney* sy'n gwerthu cyfarpar addasu er mwyn galluogi pobl sydd ag anableddau symudedd i gael perthnasoedd rhywiol boddhaus.
6. Dylai Pwyllgor MagA UCM Cymru weithio gydag Ymgyrch Myfyrwyr Anabl UCM y DU ar ARhPhA.



Cynnig 4: Diweddaru'r Ymgyrch

Cyflwynwyd gan: Pwyllgor Myfyrwyr ag Anableddau UCM Cymru

Cred y Gynhadledd:

1. "Pobl anabl" a Myfyrwyr Anabl" yw'r termau sy'n dderbyniol yn gyffredinol yn y DU am bobl anabl.
2. Mae "Person ag anabledd" yn derm hŷn, na chaiff ei ddefnyddio bellach gan y mwyafrif o fudiadau anabledd.
3. Mae UCM y DU, UCM yr Alban ac UCM-UMI i gyd yn defnyddio Ymgyrch Myfyrwyr Anabl a Swyddog Myfyrwyr Anabl.

Cred y Gynhadledd ymhellach:

1. Dylai Ymgyrch Myfyrwyr ag Anableddau UCM Cymru ddiweddaru ei hun a chydymffurfio â'r un safon ag UCM y DU, UCM yr Alban ac UCM-UMI.

Penderfyna'r Gynhadledd:

1. Dylai Ymgyrch Myfyrwyr ag Anableddau UCM Cymru'n newid ei enw i Ymgyrch Myfyrwyr Anabl UCM Cymru.
2. Dylai Ymgyrch Myfyrwyr ag Anableddau UCM Cymru'n diweddaru'r ymadroddion a ddefnyddir i "myfyrwyr anabl" a "phobl anabl" er mwyn bod yn gyson â'r termau sy'n well gan bobl anabl.





Undeb Cenedlaethol y Myfyrwyr

2il Lawr, Adeiladau Cambrian
Sgwâr Mount Stuart
Caerdydd CF10 5FL

t 0292 0435 390

www.nusconnect.org.uk

Am ymholiadau cyffredinol ynglŷn â'r
digwyddiad cysylltwch ag:

e events@nus.org.uk

Am gynnwys y gynhadledd, trefniannau
democrataidd ac ymholiadau etholiadol
cysylltwch ag:

e conference@nus-wales.org.uk



National Union of Students Wales

Second Floor, Cambrian Buildings
Mount Stuart Square
Cardiff CF10 5FL

t 0292 0435 390

www.nusconnect.org.uk

For general event enquiries contact:

e events@nus.org.uk

For content of the conference, democratic
procedures and elections enquiries contact:

e conference@nus-wales.org.uk

ucm *cymru*
undeb cenedlaethol y myfyrwyr

nus *wales*
national union of students

